

Qaj at toklen ti'j titza tzuj te t-xjalal teja Developmental Disabilities Administration (Cheyxta puaq te qaj at jun Chpaltaj teja Ch'iyasalta)

Qaj at choklen ti'j qa nche'x q'umat kxe'l tzyet je qaj kab'xax tumalxax te chqil qaj t-xjalal te ja tja cheyxta puaq, ex mi nkutz chi' ti'j qaj at choklen ti'j qaj b'inat toj qaj kab't kawal te kawb'al mo qaj kawal qa ch'inch'a uj chiq' qaj at toklen ti'j noq lepcht.

(1) Ja tja cheyxta puaq iltij kxe'l tq'uma te ja xjal ex te xi taq'anal jaxax te xi xjal mo te xi aq'anal te jatuma b'a' chchaj noq lepcht iltij te qaj at toklen ti'j ya b'inchantqa toj ja capitulo 71A. RCW, kawal te 2020 teja uj tpon b'aj qa te tawa ja jun xjal sk'owa. Ja q'umb'aj n-xi' t-q'o' te ja tja cheyxta puaq ilitijta tz'ib'a kwel temal. Ja tja cheyxta puaq iltij kpjal t-b'inch'a ja tajjal q'ij taj t-xi' q'o' ja q'umb'aj tumal b'inch'a tu' ja inciso lu.

(2) Ja tja cheyxta puaq iltij pon tq'uma te ja t-xjalal ex te xi taq'anal at jaxax te ja t-xjalal mo te xi aq'anal te jatuma b'a' chchaj noq lepcht iltij te qaj at toklen ti'j ya b'inchantqa toj ja capitulo 71A. RCW, kawal te 2020 uj chok qaj cheyb'al te jun t-xjalal. Ja q'umb'aj b'aj tb'inch'a ja tja cheyxta puaq iltij tz'ib'a kwel temal. Ja tja cheyxta puaq iltij kpjal t-b'inch'a ja tajjal q'ij taj t-xi' q'o' ja q'umb'aj tumal b'inch'a tu' ja inciso lu.

(3) Ja t-xjal at toklen te tu' b'inchalk'ata ja te kb'intal tu' ex sk'olwata tintla k'okal tx'omat xi q'oltz aq'unt. Te ja lu' jeqaj at choklen ti'j toktz tu' te ja t-xjal te:

- (a) Kwel tenay toj ch-yal tij ja yajlab' te qit xjal, b'ujb'al mo ja n-xi' t-xi'mana ti'j, b'ujb'al tuya ixni' ex ja uj tok chq'etay te tu' tokx lametay;
- (b) Kwel tenay toj ch-yal teja te i'k'b'al te ti'ja t-xe'chalay, ja tilb'ana, alij nok qe t-k'ujay, tzajla itz' t-xe'chalay, tokslab'ay, ti jala aqlalta, t-ab'q'ijay, jun t-palta, qa najlel mo mi ex te t-najaj, tijala te toj twitz mo ti leya ti' junt xjal;
- (c) K-jawal tsk'o' te t-xe'ltwa' tkub' choj qaj puaq ex ja tten tu' te onb'al te ja t-xjal;
- (d) K'okaltz tinay qaj q'olb'eb' toj ja tja t-xjal ex kyolal chuya qaj xjal kjawal tsk'o' ja lu ex chuya qaj b'a' tkub' tb'inch'a tzul toj ch-k'u'j tuya qaj te tuya te jax tek'a;
- (e) K'okal tk'ujay ti'j t-amb'il teja t-xjal ex kjawal sk'et qaj te kwel t.b'inch'a, qaj amb'il ex ja ab'ib' q'anb'al jeqa nche'x b'inchantat qaj tey tajb'al;
- (f) Kxe'l jun tumal tib'aj ja q'anb'al b'inch'a ttxola tu' xi q'oltzta aq'unt te ab'ib' te q'anb'al teja t-xjal ex kxe'l onat te cheyxtata ti tten uj t-xi' ch'iy ja q'anb'al;
- (g) Kwel tenay toj ch-yal te q'anb'al, tz-yultata ex qaj kwl tzyuntata yaxax iltij;
- (h) K'okal t-sqita, ktemal toj qaj t-xilen te kawb'al ex chi xe'l onant qaj xjal te tu' chjaw sk'et ti jun tmutzb'al;
- (i) Kxe'l cheyat ja puaq te ja t-xjal mo kjawal sk'et jun xjal ja kxe'l onant te;
- (j) K'okal tq'om tib'ay tuya ja tnom;
- (k) Kxe'l t-xi'mana ch'ij tib'aj ja chunlal ja t-xjal;
- (l) Kjawal sk'et ja ti'j mo t-xb'ala ex ja t-xeb'al twi' ja titzax tema tu ja j-xjal;
- (m) K'okalx nek'et toj tja ex kpjal b'inchet ja jatuma ntana te ja t-xjal la tinxa taj mo k'okalx nek'et toj tja ex kpjal b'inchet ja tja teja t-xjal latixa taj, la ti tten toj tne'l kuyb'aj tuya qaj te tuya jax ete';
- (n) K'okaltz q'i' qaj onb'al qaj taj ja t-xjal tz'oktz ti';
- (o) Kxe'l t-xi'ma ti'j qa ktemal mo mi toj jun xi' cheyb'aj tijxatzuj qa ot txi q'umat ja n-xi' cheyb'aj te ja t-xjal ex tijxatzuja qa te ja t-xjal mo ja nej twitz jaxax ot txi' tq'o' ja kuyb'al tz'ibni' toj u'j te tu' tten toj ja kxe'l cheyb'aj; ex
- (p) Kwel tenay toj ch-yal ti'j ja chq'o'mb'al te puaq.

(4) Ja t-xjal at toklen ti'j te tu' tten toj ja uj tb'aj b'inchet ja onb'al teja tja cheyxta puaq. Te ja lu jaj ja at toklen ti'j te t-xjal tok tu' te:

- (a) Kwel tenay ex kwel tq'onay tonb'alay chi qaj tten te onb'al te t-xjal tz'ib'a tu' ja tja cheyxta puaq ex qa xi q'oltzta aq'unt;
- (b) Ktiq'alay jun kotz te tu' cheyat qaj t-xilen ttxola te qaj chi kpjal tz'ib'at;

- (c) Ktiq'alay qaj tajb'al te ja t-xjal te jun chunlal tumalxax ex qaj te taj te ja t-xjal te ja xnaq'tzab'al, ja aq'unt, kobj'al, ti tten tuya, ex qaj sqechb'al tok tu' toj ja tten teja nb'aj tz'ib'at;
- (d) Kjawal t-sk'onay jun k'ela klontat tey te tu' tten choj qaj t-xilen ttxola te tz'ib'wata tuya ja t-xjal; ex
- (e) Ktiq'alay te tu' tokxay toj ja tumal b'incha'nt ex noqxax tib'aj qaj kotz chi tzaj q'o' te s.qechb'al, xnaq'tzab'al ex aq'unt noq tkub' toj ja tnom ja t-xjal.
- (5) Ja t-xjal at toklen ti'j te tu' tokx toj ja tumal chib'aj qaj onb'al ex ja ab'ib' te q'anb'al. te jalu ja ja at toklen ti'j te t-xjal tok tu' te:
- (a) K'okal jun copia te chqil qaj tten tu' te onb'al te t-xjal;
- (b) Ktiq'alay qaj copia chqil te qaj tten tu' te onb'al tkub' ja'la teja t-xjal;
- (c) Kxe'l cheyb'aj ti'j qaj copia te qaj polífrica ex qaj ti tten t-xi'len ttxola te alchexa onb'al ja nokt'z ti' ja t-xjal, te alchexa jun amb'il. te ja lu' ja ja polífrica nokt'z ti' ex qaj ti tten t-xilen ttxola tib'aj ti tten ja t-xjal b'a' tokx t-yek'a jun ilb'aj te qaj q'oltzta aq'unt ex toj ja tja q'olb'atz aqunt;
- (d) K'okal cheyb'al ti'j qaj ma tzet'z t-yek'a te ja u'j te qanb'atz mo ja xi' cheyb'aj tzqe' teja tja q'ob'atz aq'unt b'incha' chu' qaj q'ib'atz teja n-xi' cheyb'aj mo qaj chi i'y q'ilwa qaj qanb'atz te ja tnom, qaj q'umb'aj jaxax te mixax n-ti' ex qaj tten tu' te tu' t-xi' b'inchet te tipomal tuya j-tten tu ja q'oltzta aq'unt te t-xjal. Xi q'oltz aq'unt te qaj onb'al te t-xjal ilti'j kxe'l tona ja t-xjal te q'olakxta ex tu' tokx toj ja tumal lu qa ku' chij t-xjal; ex
- (e) K'okalx ti' jun q'umb'aj tumal tz'ib'ni' te qaj melob' te b'inchalwata noq chi tzaj q'o' tu' ja tja q'olb'atz aq'unt te tuya ja qolb'atz aq'unt te ja t-xjal. Ja q'ilx qaj il teja tja cheyxta puaq mo ja xjal ch'iklak tu' ja lu ilti'j kxe'l tq'o' tumal te ja t-xjal ex ja aq'anal jaxax mo ja aq'anal te jatuma b'a' chchaj noq lepch ilti'j te jun tten te jun k'al q'ij, mya' jenqaj kab'at q'ij te tb'aj len smant noqxax jeqaj q'ij te aq'unt ex qaj q'ij te ninq'ij, texa tzuja tajlal q'ij uj tzaj tzyet t-b'inchaj. Tej at k'okal i'q'a ja tel ti'jxa, tu' "q'olb'atz aq'unt" k'ela nik' jun tten ja ktzal menantat ja onb'al te jatuma kwel temal te jun t-xjal ex qa lu n-b'inchet tu' ja tja cheyxta puaq mo otxi' tq'o' taq'a te tu'. Jun melob' te b'inchalwata qa tajsja ja q'umb'aj tumal lu jaj:
- (i) Qaj tok tu' te ja u'j nex mo u'j nok tb'i te licencia te xi q'olb'atz aq'unt;
- (ii) Kweb'al mo kweb'al qaj b'inat te smab'aj mo jatuma ktemal;
- (iii) Ja nok chq'et te jun u'j nex q'o' te kab' q'ij mo ya q'uma te qa tu' tok tsqita ja u'j nex; mo
- (iv) Nkub' tzina tib', kweb'al mo k'ela te jun u'j nok tb'i te licencia mo u'j nex.
- (6) Ja t-xjal at toklen te tu' tokx t-yek'a qaj ilb'aj ex te qanlakxta, ex qanlakx puaq. Te ja lu jaj at toklen ti'j te t-xjal tok tu' te:
- (a) Qanlakx alchexa jun n-xi' t-xi'ma ti'j teja tja nik'ub' aq'unt qa nkub' tzina tib', najtz ti' ti'j mo nkub' tb'aj sa' ja njaw sk'et, qaj onb'al mo ja njaw sk'et ja q'oltz aq'unt tej t-xjal jatza tok tu' nel tklom tib' te kawal te Medicaid ex qaj kawb'al te onb'al kotz;
- (b) Yek'lakx qaj t-stisay te ja q'olb'atz aq'unt te ja t-xjal chib'aj qaj onb'al te t-xjal mo kab't tajb'alay. Te ja li jaj tok tu', jax mi n-xi' cheya te, n.jaw b'aj t-k'u'j tib'a qaj chi leya qaj kab't xjal jatuma naj ja t-xjal. Xi q'oltz aq'unt iltij ktemal jun tpolítica tz'ib'ni' tib'aj ja t-xilen ttxola te qaj t-stisb'al jatuma jaxja qaj q'ij tten tu' ex kab' ch'inch'ak'a at ktemal. Qa mi txi b'inchet jun s-tisb'al, te xi q'olb'atz aq'unt iltij k'elax tq'onxi te ja t-xjal ja tumal tib'aj ti tten uj tokx yek'at jun s-tis toj ja tja nik'ub' aq'unt;
- (c) Yek'lakx qaj t-stisay ex qaj t-yasb'al, ex qanlakx jun onb'al te tiktemal tintla jun kwel t-chjo' tinla k'okal tzaq'b'e' junt ja tok tu' ja tja nik'ub' aq'unt mo qaj q'olb'atz aq'unt; ex
- (d) K'okaltz tinay ja tumal tib'aj ti tten uj tiq'ay jun jatuma b'a' kwel temalay tu' ja at jun t-paltanay toj ja t-xilen ttxola te ja nokx t-qanay.
- (7) Ja t-xjal at toklen ti'j te nal k'okal cheyat mo ab'intat te ex ja te ti tten. Te ja lu jaj at toklen ti'j t-xjal tok tu' te:
- (a) Ja te te tjonat ex ex ja te ti tten te qaj jatuma tz'ib'ni' tex teja t-xjal;
- (b) Yolax tjonalay, jaxja at toklen ti'j te smalta ex q'ilakx correo ex correo electrónico, ex ja at toklenay ti'j te tu' tzaj ajb'en ja yolb'al tey toj jun tenb'al jatuma b'a' t-xi q'ajtay mo yolana jatuma nal k'okal ab'intat tey; ex
- (c) K'okal chmom tib'ay ex k-yolanay toj ewb'al chuya qaj tey t-amigo ex qaj tey t-najaj te t-xjal.
- (8) Te t-xjal at toklen ti'j teja naqch t.jawa, ja naj q'o' ex ja npon b'aj te qaj onb'al jatza b'incha' toj ja inciso lu.
- (a) Qaj t-xjalal qa jatza najqa toj jun tja k'ojlab' te nim q'ij ex qa ab'i' tu' ja capítulo lu [18.20](#), [72.36](#), mo [70.128](#) RCW qaj at choklen ti'j ya b'inchanqa toj [RCW 70.129.110](#).

(b) Qaj t-xjalal qa teb'ax q'ilb'ax onb'al ete' toj qaj tnom nex jun u'j at-tza toklen ti'j te:

(i) Te tu' tten tuya q'olb'atz aq'unt te t-xjal. Qaj onb'al mi chi pon b'ajcha qatza ja tej q'olb'atz aq'unt ma pon b'aj santat ex baj' t-tz'ib'a qa:

(A) Ja q'olb'atz aq'unt mi lay txi' tb'incha' qaj tajb'al ja t-xjal;

(B) Ja b'a' tten ja t-xjal mo che kab't t-xjalal toj ja ja' mo te jatzat etetqa toj t-xob'lil;

(C) Ja chunlal te t-xjal mo ja chunlal te qaj kab't t-xjalal toj ja ja' mo jatzat etetqa ch'inch'a ete' toj t-xob'lil, mo

(D) Xi q'olb'atz aq'unt k-chjal tq'onxi ja kawb'al chi'j.

(ii) K'okaltz q'ij jun q'umb'aj tumal tz'ib'ni' toj u'j te xi q'olb'atz aq'unt te alchexa jun npon b'aj te qaj onb'al te tumal jun treinta q'ij uj nant t-xi' q'umat ja tu' tpon b'a, uj qa ti' jun toj il naj ata te chunlal ex toj tb'anal ja tajb'a ja npon b'aj teja onb'al, qatza teja il ja q'umb'aj tumal kxe'l tzuja setenta y dos amb'il teja nant tpon kana ja tajlal q'ij uj tpon b'aj, ja tumal b'a' t-xi' t-q'o' te ja t-xjal ex ja aq'anal jaxax te ja t-xjal mo tej ja aq'anal te jatuma b'a' chchaj noq lepch ilti'j. Ja tumal iltij k'okalx t-q'o':

(A) Ja tajb'al ja npon b'aj te qaj onb'al; ex

(B) Ja tajlal q'ij jaxax teja npon b'aj te qaj onb'al.

(iii) K'okaltz tinay jun tten tu' t-b'aj b'inchet te jun kab'a q'ij j-ya'x te ja tajla q'ij jaxax te ja npon b'aj te qaj onb'al, mo qa tza jaj npon b'aj siy twitz jun toj il naj ata te chunlal ex toj tb'anal, k'okaltz jun tten tu' te tu' t-b'aj b'inchet te qaj kab't q'ij kxe'l q'umat tzalu' te ja ja' klo'nt te teja cheyxta puaq te ja tumal te tu' tpon b'aj te toj il tat naj. Ja tja cheyxta puaq ilti'j k'elax t-q'o' ja tten te t-xjal ex ja aq'anal jaxax te ja t-xjal mo tej ja aq'anal te jatuma b'a' chchaj noq lepch ilti'j. ja tten tu' ilti'j k'okal tq'o':

(A) J-tenb'al jatuma k'a'l q'o' ja t-xjal;

(B) Ja ti tten te uj n-xi' toj jal k'uxb'il nb'et toj ja ak'aj tb'e t-najb'al; ex

(C) Ja b'iyb'al, tb'e t-najb'al ej ja tajlalal t-yolb'al teja klol teja tnom tuya at tpaltal teja te ch'iysalta.

(c) Te xi q'olb'atz aq'unt tzaj t-yek'axi qaj onb'al te qaj t-xjalal te jun najb'al jax ete' te te t-tx'otx' ilti'j kwelatz b'aj qaj t-xilen te teja kpomal b'aj te qaj onb'al uj na'ant t-xi' tzyet alchexa aq'unt te kwel tzyet ya tumal te jun kuyb'al tuya [RCW 59.12.030](#).

(9) Ja t-xjalal at toklen ti'j te tu' tokx te qaj klol. Ja t-xjalal at toklen ti'j te q'ilakxta ja tumal te qaj tja cheyxta mo onal qaj nchi ona te klol te t-xjal ex te q'iltata ja onb'al kotz te tu' t-xi' q'ajtay tuya ja tja cheyxta mo onal lu. Xi q'olb'atz aq'unt mi lay tzokx tx'omaxi tmij tuya ja uj tokx ja t-xjal toj ja tintla jun che qaj lu:

(a) Alchexa jun aq'nal n-xi' sma' teja tnom;

(b) Xi q'anal tekax teja jatuma ata;

(c) Te xi klol tij ja tnom teja at t-paltal teja ch'iysalta; mo

(d) Alchexa jun aq'anal sma' teja ch'uq ch'ikni' te tu' t-xi aq'unat ti'j teja ch'uq te k'ojlal ex klolb'a te tziytata tuya [RCW71A.10.080](#).

(10) Qa jun t-xjal lu tzyu' tu' ja jun ttxola te ja k'ojlal ja tok tu' ja capitulo [11.88 RCW](#), qaj at toklen ja t-xjalal ti'j ja tok tu' ja capitulo 71A. RCW, kawal teja 2020 jeqaj chi b'aj b'inchet tu' xi cheyxtata tej t-xjal qa teteja tten tumal lu at tojxaja teja ja tenb'al teja ttxola ja cheyxtata.